


Marisikalo san 2015

San 43nan - Boko 518nan

Songo = dorome 35



Kunnafoniseben bota kalo o kalo - BP : 24 - Telefoni : 20.21.21.04 Kibaru bugufiyé Bosola Bamako

Samatasége  
fitininw «kadew»  
ye Kani 2015 kupu  
ta ni Wasa ye

Le 8

## Alizeri sigikafow (benkan) Ka nesin basig! sabati ma Mali kono

Kibaru kono, an bëna Alizeri sigikafow bënkan bakurubafo mir bolonobilala dijé fokabennaw fe, Mal, ani kelebolejkulu dòw minnu ni Mali goferenaman dà bë fi kelen na. C'kera san 2015 marsikalo tilé 1 Aliz n'o ye Alizeri faaba ye.

Kelebolejkulu minnu murutienfe halibi, olu ma són folo ka bënkan in bolonobila.

Nin ye Alizeri nebilabenkan bakurunbaoli ye ka nesin kibaru kalanbagaw n'a kanubagaw m'a Tilayorwolowonwula bëbenkaninko, anifaranka saba. A bëe lajekelaw bëna sariyasen 67 ma.

Alizeri bënkan in ye neb labenkan ye bawo bënkan dafalen yére yére ts. Ajira k'a fo, bënkan dafalenyére, oka kan ka bolonobila Mali kono yan. O bënkan dafalen temsira de yu nebilabenkan in ye.

Alizeri Bënkan in waleyali t damine a nō goni na. Furancelawal dòbe boloda, waleyali ferewbelak in min kono, k'a sirav s're, k'a jen turu.



Mali cidenw ka némogé, minisiri Abudulayi Djigu y'a bolon bila bënkan na

Lajekelaw bëna a kankakorofela geleya kelen-kelen jini k'u dòn, k'u siatunni ni fura sordi ye u la.

Bén lakika sabtii, o bëe sënsin jamana tariku kan, o fana bëe sënsin «jamana ka kelenya kan, jamanaden

bëe donni da kelen fe bonya ni karama kono, min bë kë ni bëe danbe batoli ye, n'o ye jamana taabolo ye.»

Lajekelaw bëna a kan k'u bë nin waleyaw labato:

«Mali jamana ka kelenya batoli, jamana dugukolo toli a cogo la an'a ka yéremahoronya batoli ani ka jamana fanga ke demokarasifanga ye, bëe b'i ka diine sugandi min kono», i sago la.

«ka seko ni dònko ani kanko bolofara camana lakkodon ni k'u jiidi, ani ka jamanakonoden bëe joyorédon ba la, kerenkerennnya la musow ni denmisénw taw, jamanajo walew la.»

«Jamanadenw k'u yérew ka kow nénabo ni mara kécogo kura dò ye, min bë tali ke u haminakow kan.»

«ka Mali maraw yiriwalidamakéne ka tali ke u kelenkelenna kà soro nafa botaw la.»

«ka ban ka diyagoyafanga ke felajira feére ye ani k'a ke kumalogonya ni fokaben ni fongonkòw dilannifeére ye.»

«ka hadamaden ka hakew, hadamaden danbe, yéreya lakika ani sagoladiinédonw bato.»

«Ka yuguyurugu nifangilibaliya kele.»

«ka terorisimu (kojugubake) dörögufeere ani waleyuguke dabila

(jamana kono ani jamanaw ni njogon ce).

Fen min ye «Azawadiko» ye lajekelaw bëna a kan k'o bë Mali korofela marabolo dò kof. Nka fen min ye Gawo Tumutu ani Kidali marabolow togodaliye ko «Asawadi», fo sigikafó ka ke o kan jamana kono, ka bën a kan.

Lajekelaw bëna a kan, ka bëe joyoré dantige bënkan in waleyali hukumu kono.

Mali ni korofela kelebolejkuluw, olu ka kan k'u ka layiduw tiime. U y'u kandi k'u bë ko minnu kë, u y'u kandi k'u bë josen kura minnú ta, n'o ye marafanw bilali te, n'o ye yirialiférew labenni ye, n'o ye Mali ka mara seginniye korofela marabolo bëe kono, n'oye banbaanci sendonni ye fasobaaraw la an'u tali jamana cakedaw ni Mali sordasiya la, n'o ye dunkafa sabatili ni jiko sabatili ye ani mögo minnu bolila kele n'e, olu seginniko, adw., ni bëe lajelen ka kan ka waleya Mali goferenaman ni kelebolejkuluw fe.

Fokabennaw joyoré ye min ye bënkansabatilila, olude bë kë bënkan in waleyali seerew ye. O hukumu kono, a nénina u fe, u ka tème ni fokabenbaarawyefoka taa se bënkan dafalen bolonobilali ma ni laadiliw, bilasiraliw ani kangaridaw ye.

Dijé kunkankofojama joyoréw fana dantigéra Alizeri bënkan ni sabatili hukuma kono. Olu fana ye bënkan in seerew ye.

A jenina jamana yéremahoronyalénw ka tonba y'a jira, ko ni bënkan ma bolonobila lamakulu min fe, o bë nangi. C'ia Mali y'a kanbo dijé kunkankofojekuluw ma u k'u jé u joyoré la ka bënkan in lafasa, k'a waleya.

Fen min ye Mali goferenaman ye, minisiri Sogeli Kokala Mayiga ka folo, o bëna feére ni dabali oee lajelen t'gë wafasa, k'a joyoré fa Alizeri bënkan waleyali sitatige la min bolonobilali laban bëne ke Mali kono yan hali a téna mèen.

Amadu M. Sise / Mahamadu Konta

KONONO BE LE 8NAN NA

**Ne folo to**

sariyasan 5 be tilayorō folo kono. Tilayorō folo be boli Fōnōgōnkō nēnaboli, a josenw, a kandiw an'a sigibajuw kan. Olu ye ka kōrōnfemogow dēmē u ka se ka fara nōgōn kan, ka nōgōn faamuya bēn ni kelenya kono, k'u ka kojew nēnabo u yērē ye, u ni jamanaden tōw ka kelenya ni bēn kono.

Dabali o dabali tigera bēnkan in kono, olu waleyalu ye wajibi ye ka nēsin kōrōnfemaraw ma, nka o'ta bali u ka waleya jamana 'marabolo tōw fana kono, walasa jamana fan tan ni naani ka damakēje yiriwalibaraw sōrōlā, seko ni dōnko sabatili la ani hadamadenya sinsinni na.

Kele ni fōnōgōnkō taakasegin caman tē se ka nēnabo ni mugu ni kise ye. Alizeri bēnkan min bolodara ka ke u fura ye, o y'a jira ko bēn sabatili lajebā do ka sigi senkan malidenw yērē dama ni nōgōn ce min be ke jamana kono yan. O senfē, bēn sabatili saratiw be dantige, k'u bolonobila, k'u waleya.

Alizeri bēnkan y'a jira ko fanga bolicogo numan ye bēn sabatili waleya jōnjōn do ye, min ka kan ka kērenkēren ka nēsini kōrōnfemarabolow ma. O be sinsin mara bolicogo numan kan.

Bēnkan in ye mara bolicogo kura boloda kōrōnfemarabolow ye min be

fangaba di sigida lakodōnnēn wma. O sigida lakodōnnēn wma be sigi marabolow dugumogow fe. Dugumogow, an'u ka mōgōw sugandilenw wotew senfē, n'o y'u ka nēmogow ye, u bēe de bē je, k'u ka sigida yiriwalibaraw dantige, k'u waleya, k'u nafabō nōgōn fe sago la. Lakanako fana b'o cogoya kelen na. Be in'y'a jira ko sigidalamogow folo de ka ke u yērē lakanabagaw ye. U yērē folo ka ke u denw ka kalanko sabatilibagaw ye. U yērē folo ka ke sigida saniyali, kēnya ani dunkafa sabatili waleyabaga jōnjōn ye.

Mara taabolo kura minnubolodara ka nēsin kōrōnfemarabolow ma, o y'a wajibiyā fangabulon kuraw ka sigi senkan, feere kuraw waleyalu kama.

Ohukumukōnō, depitebulon kelen be sigi marabolo kelenkelenna kono minni jamana depitebulonba tē kelen ye. O depitew be sigi jama ka wote senfē. O depitebulon peresidān fana be sigi jama ka wote senfē. O peresidān in de fana be sigi marabolo fanga kunna, ka fanga boli gofereneri no na.

O b'a jira ko marabolo fanga be lajelen be latēme dugumogow ma. Jamana fanga min be fanga be lajelen sanfē, o ka baara be ke ka baarakelaw bila marabolow ka bolo kan, u mako be baarakela minnu na. Jamana be cakedaw, minēnwani fangabulonw latēme marabolow ma

o cogoya kelen na. Baarakēnafolo ani yiriwalinafolow, jamana b'o bēe latēme marabolow ma.

Sērikiliw ni kominiw be mara konseyejekulu do fe, min mōgōw fana be sigi jama ka wote senfē. Sērikili konseyejekulu nēmogōy'a peresidān ye. O be sigi jamawote senfē.

Komini ka Konseyejekulu nēmogō ye Méri ye, o fana be sigi jamawote senfē. Q Konseyejekulu Sērikili kono ani komini kono, olu de bē kolatigelaw ke u ka sigida lakodōnnēn tōgo la. Biro do be sigi konseyejekulu nīnnu kono min be baara ke u tōgo la.

Alizeri bēnkan y'a jira ko marabolow tōgō b'u ka fangabulon ni dugumogow sago la. Tōgo min be bēn u ma, u b'o da u ka marabolo la, u sago la.

Yēlēma be don sigida lakodōnnēn taabolo la cogo min na mara sira kan, u be don jamana yērē taabolo fana na o cogoya kelen na.

Jamana kono, bulon kurā bēna sigi Mali depitebulonba kērefē min be wele «Sena». Alizeri bēnkan y'a nini, o sigili ka teliya, walasa a ka se k'a ka baara ke, k'a jeniyorsfin kōrōnfela mankanw n'a fōnōgōnkō banni na. A ninina fana, obulon filanankā dayele, kōrōnfemogow ka caya a kono.

Sigida lakodōnnēn ka bulonba fana b'o cogo la, o fana ka kan ka dayele jamana kunkako fōbagā mōgō caman ka don a kono, sango

kōrōnfemogow.

Alizeri bēnkan y'a jira ko marabololo de b'a yērē ka sigidaw yiriwalibaraw sigi senkan, a ka dugukolo labenni n'a labaarali, a ka kalanko ni kēnyayako, seko ni dōnko, cike, baganmara, mōnni, Kungo lakanani, ta amakow ni sirabakow, forobabaarako, bolodinogōnmakō, fo ka taa se sariyakow ni lakana sabatilikow ma.

Bēnkan in kono, a jirala k'a fo jamana jōyōrō bē to a cogoya kōrōla. A be jamanadehw lakana ka jamana dūgukolo n'a taamasiyew lakana, k'a tōgō n'a danbe lakana, a b'a jōyōrō fadige jekulubaw kono ani Afiriki jekulubaw n'a lajebaw kēne kan.

O kofe, Alizeri bēnkan y'a nini jama na ni sigida lakodōnnēn (marabolo, sērikili, komini, Disitiriki) ka sigi ka kuma tuma bēe, ka nōgōn faamuya sanni baara dōw ka damine. In'a fōpōrozew sigili senkan, cakedaw sigili senkan, dugujukōrōnafolow boli, kungo nafa boli, Alizeri bēnkan dākunw waleyalu.

Nafoloko nasira la, bēnkan in hukumu kono, jamana y'a kandi ka san baarakēnafolo sōro kelen 30% latēme sigida lakodōnnēn ma sanni san 2018 ce.

Jatēmine kērenkērennen be ke ka nēsin kōrōnfemarabolow ma osiratige la.

**Mahamadu Konta**

## Fōkabennaw y'a jira ko Alizeri sigikafō kuncera

Fōkabennaw, n'olu ye dijekunkofojekuluw ye n'u nēmogōya be Alizeri jamana bolo, olu taara Kidali taratodon, marisikalo tile 17 san 2015.

U taakun tun ye ka ye lajekēne kan min sigira senkan banbaanciw fe, n'olyē Emenela n'a jēnōgōnjekuluw ye.

Banbaanciw ma sōn ka Alizeri bēnkan bolonobila, bawo u tun y'a nini fōkabennaw fe, k'u b'a dajira u komogow la folo, sanniuk'a bolonobila.

Fōkabennaw nakun tun ye Kidali k'a jēnībanbaanciw fe uka sōnbenkan in ma, k'a bolonobila.

O lajini ma sabati, bawo banbaanciw y'a jira k'u komogow ma sōn bēnkan in kōnko bēe ma.

O tilenaani laje in banhen (kalo tile 12 ka se a tile 15 ma, san 2015), fōkabennaw y'u ka nisōngoya jira, bawo geleya si te kōrōn fe min furakēcogo n'a furakēminenw n'a furakēnafolo ma dantige bēnkan in kōnko.

U y'a jira ko kōrōnfela geleyaw te se ka wuli yōrōn kelen. Nka bēnkan in mana waleya a nēma, o be ke sababu ye, u ka wuli dōōnin-dōōnin.

Fōkabennaw y'a jira banbaanciw la, ko bēnkan in bolonobilal mi kera jama fanba fe, o b'a sēmentiya ko Alizeri sigikafōw banna, segin tēna ke a kan.

**Mahamadu Konta**

## Kōrōnfekelē banni bēnkansebēn bolonobilala

Kōrōnfekelē banni bēnkansebēn bolonobilala alamisadon feburuyekalo tile 25 san 2015 Alizeri jamana faaba la. Nka a kera fankelenko ye bawo Mali ni kōrōnfela jekulu minnu be bēn na, olu y'a bolonobila mogō murutilen ka jekuluba ma sōn folo.

Olu y'a jira k'u be taa bēnkan in dajira u komogow la, k'olu fela nini sanni u k'a bolonobila.

Dijē tōnba n'o yē ONI ye, ka fera Afiriki ka kelenyatōnba kan, Sedeyawoani Minisima, ka faraa dijē jamanabaw kan i n'a fō Faransi ani Lamerikenjamāna n'u nōgōnnaw, olu bēe sōnna bēnkansebēn in ma. Alizeri jamana minye fōkabennaw nēmogōya ye, o y'e feere bēe lajelen tigē walasa bēnkansebēn in ka ke bēe sago ye.

Bakurubafo la, bēnkansebēn in y'a jira maramafew ka bila, kēle ka jo, k'a ko to bēe to sigikafō ma. Fen min ye kōrōnfela tigēlē ye ka bō Mali la, bēnkansebēn in ma sōn o ma. Fen minye ka kōrōnfela kē federason Mali kōnko, sōn ma kē o fana ma. A jirala k'a fo, o y'e desantaralizason taabolo ye kaban, o tuma a ma se federasonko la bilen.

Fen min ye diinēcamanko ye ani diinē ni fanga danfarali, o y'e Mali taabolo ye kakōrō, maga ma kē o fana na bēnkansebēn in kōnko. Fen min ye AZAWADI ye, mogō murutilenw b'a fe ka Mali marabolo saba, Gawo,

Tumutu ani Kidali tōgo ke o ye, o azawadiko in sebenna bēnkansebēn in kōnko, nka bēe n'i hakillia don a kan. Mali be ka kōrō min di a ma ania maa murutilenbē ka kōrō min di a ma, o tē kelen ye.

Mali cidenw ka nēmogō, n'o y'e minisirii Abudulayi Jōpu ye, ale y'a jira ko sigikafō nīnnu geleyara kosebē Alizeri, fan fila bēe y'i can k'u jo k'u te bo u kan kan. NKA Ala ni fōkabennaw barika, dusu bilala ka baara ke ni hakili ye. O de nana ni bēnkansebēn in labenni ye.

Malidenkulu saba de bē laje in kēne kan Alizeri : Mali goferenaman ka ciden b'a kēne kan. Kōrōnfela mogō murutilen minnu farala Mali kan, olu fana b'a kēne kan. Olu ye kōrōnfela larabuw ka tōnbolofara ye min ni Mali da bē file kelenna, Azawadi fasojama ka jekuluba ani fasolafasalaw ka jekulu.

Kulu šabanan ye maa murutilenbē ye minnu ma sōn ka jē Mali goferenaman fe. Olu ye Emenela ye, Asiseyuya n'o yē Azawadi kelenyatōn ye ani kōrōnfela larabuw ka tōnba.

Fōkabenna ye wulikajō caman ke a ko la, kalo woōrō sigikafō nīnnu kōnko.

Jamana yērē mahrōnyalenw ka tōnba sekereteri Zeneralı ka ciden kērenkērennen Mali kōnko kōrōnfekelēla, Mongi Handi, ale y'a ka nisōndiya jira bēnkansebēn in na. A y'a sōnna jira bēnkansebēn in na.

ye bēe ka jē ka bēnkansebēn in bolonobilala, bawo a kera lajekēla bēe sago ye.

Piyeri Buyaya naria laje in kēne kan Afiriki kelenyatōnba tōgo la. Ale y'a jira k'a jigi b'a kan ko mogō murutilen minnu ma sōn ka sēben in bolonobilala, olu bēna segin u kō, k'u bolo da u dusu kan, bawo Afiriki bēe ka lajini ye bēn sabatili ye Mali kōnko.

Sedeyawo ka ciden lajebā in kēne kan; Saka Abudu Ture, ale y'a jira ko bolonobilala dama t'a ne, fo bēe lajelen ka bēn a kōnkok waleyalikō numan kan, o dun te sabati fo kēlēnōgōn wa sōn nōgōn ye, kā ko to nōgōn ta la.

Mohamedj Usmani Muhameduni ye mogō murutilenbē ka ciden do ye. Ale y'a jira k'u m'u fela fō folo bēnkansebēn in kan. U bē k'a jatēmine.


Donnatawla, ubēna do fō malidenbē ye dijē kunkankofojama ye.

Kōlsilikela caman kōn y'a jira, ko bēnkansebēn in boloñbilal ma se kuma caman wēre la, kalo woōrō sigikafō temēnen kō.

Kele banbalī te se ka ke jamana danbeye. Ni sēgen te filā ye malidenbē sēgena ten sa. Jamanakuntigi Iburahim Bubakari Keyita y'a jigi da Alizeri kā fōkabēn kankabinisān 2014 zanwuyekalo. A do la Mali bēna fi nebōda sōro ni bēnkansebēn in ye, bawo bēn fura te kele ye.

**Amadu M. Sise / Mahamadu Konta**

# Madamu Manasa Danoko kera jamana sariyasunba lafasalibulon nəməgo ye



Madamu Manasa Danoko file mögo folo ye kinin fe

Jamana sariyasunba ye nəməgo kura soro, n'o ye Madamu Manasa Danoko ye. Kiiritigela (mazisitara) don. A tun be cakeda in mögöw la körölen, minnu ka şarati dafara kosa inna..

Alamisadon feburuyekalo tile 26 san 2015, jamana sariyasunba konseye kura minnu tara, olu y'u ka danna'ya da Madamu Manasa Danoko kan, k'a k'u nəməgo ye. Ale de ni Madamu Fatumata Jali fila ye muso y'u cela; olu mögo fila fana de tun be biro körö mögo toye minnu tora biro kura la. Sariya min ye biro kura ka baara şementiya, à himöröye 2015 0031/PRM ye; a tar'a san 2015 feburuyekalo tile 2. Fon'a bora Seyidü

Nuru Keyita la, ale min ye jamana marali nədənbaa ye, n'o te jamana sariyasunba lafasalibulon mögo töbəs ye kiiriko nədənbaa nanaw ye. Olu yere la Npere Jara tun ye awoka zenerali ye jamana kiiritigesoba sanfedan na n'o be wele tubabukan na kurusiperemu. Mahamadu Buware kera o kiiritigesoba in kiiritigelaw nəməgo ye ka teme n'o y'a porokireri zenerali ye. Modibo Tunti Ginfo tun ye kiiritigejekuludəmögöye, min sigira senkan Arusa, Tanzani jamana kan, Uruwanda dansagon mögo dəw kiirili kama. Olu tun nominen don mögofagaba la san 1994 waati la, fo Uruwanda ni Burundi jamanakuntigi fila bee tora o körö la.

Yanni Sayidu Nuru Keyita ka ke konseye ye nin cakeda inna, a tun ye jamanakuntigiso sekereteri zenerali dankan ye. A kera depite ye ka teme ADEMA togo la. O kofe ka ke depite ye kokura Eripeyemun togo la.

Madamu Manasa Danoko ye jamana sariyasunba lafasalibulon nəməgo duurunan ye kabini cakeda in sigira senkan. A nəməgo körö ye Abudulayi Diko; Abudarahamani Baba Ture, Salifu Berete ani Amadi Tanba Kamara. Madamu Manasa Danogo min b'a nəməgoya la sisan, ale kelen de kera muso y'a la, Kiiriko nədənbaa nana don. Kiiritigelaw cəla mögököröba fana don. A bangera Kajolo, san 1945 zanwuyekalo tile 19. A ye Lise Terason de Fuzeri (Lise Asikiya Mohamed) ban san 1966, ka sariyakow nədənni kalan ke o kofe. Madamu Manasa Danoko ye san 27 ke mazisitaraya la, k'a joyoro caman ke jaman in kono. A kera Segu kiiritigeso kiiritigesebənlaben na ye san 1970 ka se 1971 ma; ka ke Segu, Kayi ani Sikaso kiirisow nəməgo dankanyesan 1972 ni 1978 furancéw la; ka ke Bamako kiiritigeso (kurudapeli) awoka ye san 1979 k'a se 1981 ma, ka ke konseyeyem jamanan lakanani cakeda la san 1983 ka se 1988 ma; ka ke Bamako kiiritigeso nəməgo ye san 1985 ka se 1988 ma. A ka katigelya koson sariya nasira la, a labilala k'a bolo bo baara la pewu ka waatijan ke, k'a damine san 1988 na ka se 1990 ma. Nka jamana

kiiritigesoba sanfedan labanna la genni k'a bo baara la sariya wuli k'a bila «DNAJ» n'o yefasokasariyakow nəməgoyasoba ye.

Madamu Manasa Danoko kera Bamako kiiritigeso kurudapeli porokireri zenerali ye san 1991 ka se 1995 ma. Mögo caman y'a lakadon kosəbe Mali ka jolibonkiiri senfe; n'o ye jamanakuntigi körö Musa Taraweley n'a nəfəməgöw ka kiri ye. A kera porokireri zenerali ye kiiritigesoba sanfedan na san 1995. A ye sarati (manda) fila dafa jamana kiiritigelaw ka nəməgoyasoba kuntigiya la k'a ta san 1995 la ka se 2000 ma; ka ke Mali ka lasigiden ye Kanada, Kuba, Meksiki, Nikaraguá ani Wenezuwela; nk'a dagayoró tun ye Otawa ye Kanada faaba kono..

Alamisadon marisikalo tile 5 san 2015, jamana sariyasunba lafasalibulon konseyew keli k'u ka baaraw damine, o yamaruya dira jamanakuntigi Ibarahim Bubakari Keyita fe.

Jamana sariyasunba lafasalibulon konseyew file :

- 1 - Madamu Manasa Danoko
  - 2 - Madamu Fatumata Jali
  - 3 - Npere Jara
  - 4 - Mahamadu Buware
  - 5 - Bamusa Sisoko
  - 6 - Seyidu Nuru Keyita
  - 7 - Zumana Musa Sise
  - 8 - Modibo Tunti Gindo
  - 9 - Baya Berete
- Alikeduru A. Mayiga / Dokala Y. Jara

## Mali labennen be ka Efemi ka cidenw makono Bamako


Malinidjewariko mabennicakeda Efemi (FMI) ka sigikaf 3nan ka kan ka ke Bamako marisikalo in banwaati la. O siratige la, Efemi ka lasigiden Antoni Opu De Beke ye kunnafonidilaje ke taratadon marisikalo tile 10 san 2015. Efemi dagayoró la Lamerikan jamanan kan. Sigikafö föl ni filanar minnu temena, olu jaabiw bëna fesefesé a kene kan. Geleya min kolosira Mali fanfe san 2014 kono na laje nata in fanba bëna boli olu kan. A y'a jira ko Efemi be don jamanaw jigi körö, geleya sera minnu ma walasa k'olu ka nafoloko sabati ani k'a lajeya waribolaw fanfe. Nka ko Efemi te se ka juruba don jamanaw na. Ode koson wari min dili lahidu talen be Mali goferenaman ye, o ye sefawari miliyari 24 ye. O be to ka bo ka di dōonin-dōonin san 3. kuntaala kono. Kalo wooro o wooro do be se ka di.

Korofow bëna boli fen minnu kan kafé ena in kono, o dëbëna ke do taracogo jamanan ka soro kan. O min yegi jamananka lajiniw doye.

Jamana y'o kandili min ke k'a bëna a ka lahidu talenw bo a sira fe, taji songo jiginni dijne suguba la o körö min be se Mali ma, desantalarizasonko ka jessin Alize bënkan ma, ka fara Mali ka juru talenw kunnafoni kan, nin bee bëna fesefesé.

Antoni Opu De Beke y'a jira ko Mali ka jamanakono soro mumelabugunda kera kemesarada la 6,1 ye san 2014 kono. Temé bëna k'o hake in kan k'a sababu ke sa miye temenén in dijacogo ye. Ni geleya weré ma bila Mali senna, jamanakono soro bëna yelen ka se kemesarada la 7 ma san 2015 in kono.

Fen min y'e petoroli songo binni ye, o körö Mali kan. A songo tilance binna dijne suguba la. O ka fisa goferenaman na; sabula a bëna se ka tajicaman se songo nögo la; nka taji songo tena jigin feerelikeyorow la jamana kono. Ob'a jira ko taji tasongo be dögoya k'a feereda y'ennan la jamana jönkörlaw holo. Waduw caman be yero olu la. Kasoro rima min taji songo yelen san 2008



Antoni Opu De Beke

ka se 2013 ma, jamana ye degunba soro taji talenw ni tataw feerecogo la. Goferenaman wajibiyara k'a jo hake do sarali kokörö walasa taji ka se ka feere julaw fe da nogola jamanadenw ma. Okera nafolotin ye goferenaman bolo. O n'a ta bee goferenaman sera ka soro ke sira werew fe. Geleya körö jugu ma yelen san baarakenafolo bolodalen kan. Walasa Mali ka se k'a yere keje ni Imowajamana tow ka nafoloko cogoya ye, goferenamanka

la jini kera k'a jini kemesarada la 0,5 ka se ka fara jamanakono soro hake kan. N'o nafolo kura soro tana ninnu tun te da tun na digi goferenaman na k'a sababu ke warintanya ye. Mali ni Eröpu cogoya make kelen ye; yen goferenaman ma a jenimusaka sarali yetajisongola oyelennendijne suguba la. Goferenaman ye julaw wajibya u ka taji feere ka keje ni jamanadenw ka soro bëre ye. Ni songojiginnna o b'o cögo kelen na. Nka songojiggin da ka di jamanadenw na; sabula olu be se ka taji cämäna san n'u bolowari ye; nka wusuru bëre koni te soro julaw la goferenaman fe.

Antoni Opu De Bekeyelaselisben min dilan Mali kan a ni Efemi ce baaraw cogoya kan san 2014, a y'o do di Mali ma. K'o dakunbaw nəfö. O do ye Mali ka lahidu talenw ye a y'a jira k'a be minnu waley. A ye lahidu caman ta, kerenkerennnya la ka jessinbaarakenafolo ma. Qyerëbëna sëbekörö fesefesé min sigikaf

A to be ne 6nan na

## Balikukalan ye nafa ne ne ye

Ne Nuhun Ture bangera san 1948 Guwakulu, Kolokanin komini kono. Guwakulu ni Kolokanin ce ye kilométre 7 ye. I be fôlo Guwakulu la ka soro ka don Kolokanin Bamako fanfe. Balikukalan donni Belédugu kono, ne tun b'o kunnafonidi ni lafaamuyali jekulu la.

An ye Belédugu dugu 300 bœ yaala a baaraw la.

Taama in kera jamanakuntigi koro Musa Tarawele tile la. O y'a soro fasokanw layiriwali cakeda Denafila be Bajalan 3nan na Bamako. Kibaru bugufiyebé kurunbonkaridon min na ne tun b'o kene kan. Belédugu (Kolokanin serekili)

kono, balikukalanso fôlo jora Koroka, Cen, Mantan, Kolon (Kolokanin dugu togo yere de y'o ye) ani Guwakulu. Osow jora Korokata kofe. Ne Nuhun Ture Guwakulu balikukalanden fôlo do ye. N kera kalanden jolen ye kalo saba kalan kofe, fo ka balikukalan karamogoya keli yamaruya soro. N ye san fila ke ka Guwakulu kalandenw kalan. Kalan tun ka di baliku fen ofen ye dugu kono, o tun b'a togo seben ka don a la. Sufekalanw tun don. A be ke san waté bœ la, samiye fara tilema kan.

Nka kalanso ma se ka jodugu caman na a waati la. Olu na

son; sabula faamako tun man di u ye. U tun ka jate la, n'i kalanna i da be don faamako la hali n'ite faama ye. Walima k'i da ni faamaw da be don file kelen na. O de koson Belédugu bamananw tun te son kalan ma.

Ne Nuhun Ture ye n ka kalan nafa soro. N ma lakoli ke, n ma morikalanké. Balikukalan sababu la ne be sebenni ke. N'o ye batakiw sebenni ani jatebow ye. farafinfurabola fana ye n ye. N be n ka furaw togow seben ka bila u kan ani ka n ka kilisw seben ka mara n bolo.

**Nuhun Ture  
ka bo Guwakulu, Kolokanin  
komini na**

## Fura kelen be musocew furanni ye bi



Soyibajan Jara

An be tilema de la sisân. Belédugu furâw waati ye sisân ye. Anw ye denmusow furasi ye mogokoroba minnu na, olu tun b'a ke ka dan yorow min na, k'a laadaw fo ka dan yorow min na, anw b'o nogonna tan fara a kan.

Fura kelen be musocew furanni ye, k'u bolo ban bi pewu. Ni fura dogodara kaban, ci be lase muso celekaw ma, ka laadafenw dantige, kasoro olu yere te jate bulonkono. A be fo ko ce ka na ni malobore kelen, sukarobore kelen, kubore kelen, makoronin karitonw, nama saw, tekew, safunekariton, marabatigaw, manjew ani dumunifén caman werew.

Fen ninnu te senne musoce fe, olu de be nini a la sisân. Fura kuntaâla kono ho te dun mogo fe bilen. O de koson ni fura dabora. Belédugu kono, dinemaa be yen segere. A bœ kuñye dumuni dumannin

kerenkerennew n'a dantemeko tow nofela ye. U yere te kaariya ka fennminnu laben ka dun u ka so.

Sisan yere, ni muso celakaw taara-u muso furasi kama, denbaw be jama tila fila ye. Kelen b'a jo ni jidoni ye, to kelen be denbafoli w ke. Hali ni tile ka farin n'a do ye baara jo ka don suma na, denbaw bœ a' kama, ko mogo te muso soro suma na.

Aw be wajibiya k'a ka dugu togo makaran ka wuli ka taa baara ta kura ye. O b'a soro denba gorobone yere be parata-parata la mogow ni nogon ce, a ka fini kun bœ be sama a nof, a be ka musow min siri, kabi ni Ala y'i da i ma delik'orogonna ye muso kuna.

Dantemewale be nini ka fura negebo furukelaw la. Belédugu kono. Sisan laada jugu caman sababu ye musowy. Kerenkerennya la denbaw; olu te muso woloba ye. Nka muso fanincinin walima u fa koro ba musow. N'o te den woloba walima a wolofa fila si da te doh u den kunkokuma na du kono.

Denbaw k'a laje ka fura musaka nogoya udenmusow furasili ka teme here la. Sanji be na k'a ko to nkomi ye.

**Soyibajan Jara ka bo  
Kodumandala Woljedo,  
Nonkon komini na Kolokanin**

## Dijé musow togoladon seli kera ka wasa Kuruma musow fe

Karidon, marisikalo tile 8 san 2015, demedonjekulu minnu be wele Netaa konseyi (Nyeta Conseil) ani Ze forisi (G force), olu jera ka dijé musow togoladon seli ke Kuruma musow fe yen. Seli in bilâla hukumu min kono, o ye k'a jira ko muso ni ce ka hakew damakejeni, bœ lajelen ka jetaa b'o de la».

Alatona dugu 34 muso 50 tun be laje in kene kan. Musow ka tonba, kafo, o bolofara nemogo min be Kurumari, meriw, ciklaw ka bulonba nemogo ka bo Dogofiri, ka fara demedonjekulu 2 ninnu baarakelaw kan, ninnu bœ na na seli in na, ka kene sankorota. Nenajew damineni ni demedonjekulu 2 ninnu nemogow ka bisimilalikumaw ye minnu ka baara jesinneb be hakewne labatolima. O kofe, kafo peresidan ye kuma ta musow togo la, ka meri da ale kan, ka Superefe tugu meri la.

Barosigi tugura foliw ni tanuniw na. O bolila hakili min kan, «Musow ni ce ka hakew damakejeni, bœ lajelen ka jetaa b'o de la».

Nenajew kuncera ni donbolow ye :

- Muso 19 ye koliso ni safunekariton soro, ka d'a kan, u sera ji labaarako numan na ka teme tow kan.
- Muso 4 ye nonobuyati Nido ni safunekariton soro, bawo k'u sera deh labaloko numan na ani kohomaya ladonko numan.
- Wari dira muso 2 ma nakobaara siratige la.
- Muso 25 ladiyara ka da u ka baara kan seli in labenni na. Iburuhima Baba Jara Dogofiri Ja kura K18, Mahamadu Konta

**Kibaruseben be bœ kalo o kalo juma laban na. Mogow be se k'u  
hakili to o waati la ka taa u ka Kibarusebenw nof u soro yorow la**

## Kalankene n° 151nan : Kobilaw be dōn kolosiliko numan fe

\* «La» : Siyaya ka ca bamanankan na :  
 - «la» be se ka ke nōronna ye, nōnōrō walima kōnō. Misaliw : Ladon, labo (nōnōrō); Sénékela, duurula (kōnōrō);  
 Kolosili : la / na ye kelen ye nin misali ninnu na.  
 - «la» be se ka ke waledemēnan ye. A b'a jira ko wale kera kaban. Ola ani (ra na) bēs ye kelen ye. Misaliw : A wulila, A' kulela. A yelela (waledemēnanw).

- «la» be se ka ke kōbila ye. Ola a be sigi togo kōfē walima, nonabila kō sementiya. Ola a ni (na) bēs ye kelen ye. Misaliw : Madu taara foro la. (Kōbila). A y'a ban a la. (Kōbila)

\* «Ye» fana siya ka ca bamanankan na :

- «Ye» be se ka ke waledemēnan ye, k'a jira ko wale kera kaban. Misaliw : A ye to dun. (Waledemēnan) Wulu y'a cin. (Waledemēnan) Ola, a bahsira ye (ma) ye. Misaliw : A ma to dun. Wulu m'a cin.

- «Ye» be se ka ke mabennidajé kerenkerennen ye damakēnēnikumaser kōnō. Misaliw : Sali ye muso ye. (Ye fōlō ye mabennidajé kerenkerennen ye. «Ye» filanan ye kōbila ye). Ali den ye cē ye. (Ye fōlō ye mabennidajé kerenkerennen ye. Filanan ye kōbila ye).

Ali den ye cē ye. (ye fōlō ye mabennidajé kerenkerennen ye. Filanan ye kōbila ye). O «ye» siya min be damakēnēnikumaser kōnō, bahsira kan (ye...ye) be ke (te...ye) ye. Ob'a jira k'a be baaraw ke i'n'a fo waledemēnan kasōrō wale te damakēnēnikumaser kōnō. O koson an y'a wele mabennidajé kerenkerennen.

- «ye» be se ka ke kōbila ye. An ye dō jira o la kaban sanfe misali kōnō. Misaliw : A taara n'a ye. (Kōbila) A ye fini ko ni sege ye. (Kōbila) Nin kalankene in kun ye ka kolosili kōsēbe dānew siya kan, k'a dōn ko nēci be dāne siya lajeyā. M. Konta

## Kidali, Minusima sōrōdasi bonna ka mōgō 3 faga

Minusima sōrōdasi kōnō min be Kidali, mōgō juguw y'o bon ni mugu jugu 30 ni kō ye karidon sōgoma joona, ka mōgō 3 faga. Kelen ye Kidali dugulen ye min te finitigi ye; a tō 2 ye Minusima mōgō ye. Nin waleya jugu in kera marisikalo tile 8 san 2015. Tuma min na Minusima ye jateminé ke ka mugu jugu ninnu bōyōrō dōn, u fana ye u nēci yen ma ka mugu jugu dōw bon ka taa yen fe.

## Dukene n° 125nan : An k'anini ka sigida lakodonnen dōn

Sigida lakodonnen ye jamana marabolow ye sariya ye minnu dantige desantaralizason hukumu kōnō. Jamana ka dēme n'a kolosili kōnō, sigida lakodonnenw b'u yere mara, k'uka nōmogōw sigi wote senfe, k'u ka yiriwali baaraw boloda, k'u waleya ni sigidalamogow jamana ani na folotigw ka dēme ye.

Desantaralizason, ni dōw ko a mafanga cemaboli, mara cemaboli, fanga seginso, marabolosigi, mara walanwalanni, o kera jamana taabolo yekabin san 1990. Sigida lakodonnen sigira k'u ke suguya damado ye. Komini, kafo n'o ye serikili ye, marabolon'oyeerezonyeani Bamako Disitiriki. Komini ye suguya fila ye : dugubakōnōkominiw, an wulakōnōkominiw.

Nka sannian ka sigida lakodonnenw tēremeni damjō, u be jamana min kōnō, n'oye Maliye, ank'a nini k'odōn fōlō : Jamana donnī ye fasodennumanya baara do ye, Karamogo Musa Jaabi ko : «Mogo te ke fen fe i te min sidon. Fasodennumanya kalanni be mōgo yelema : Ab'ibojamanadengansanya la, k'i ke jamanaden faamuyalen ye min b'a hakewdonjemufanga hukumu kōnō».

An ba sinsin gafe min kan-ka nin baabu in sēben, o ye gafe fila ye minnu labenna Akodepu / ACODEP

## Maakorobaro : Hinejmgona

Hadamaden fen o fen, n'a be fo ma k'i ka ni, jogi numan caman de b'i la. O jogi numan mana kēmē bōcogo o cogo, fo a ka sōrō i be hine i mōgōdōn na. Jogi numan be sinsin hine de kan, hine min be dusukun na.

Hine de b'a fo hadamaden be numan k'e, hine de b'a to hadamadenw be jogon son, ka jogon dēme degun kōnō, ka jogon kōnō ladi, ka jogon kunko ke, fo hadamadenw b'a fo : Ko n'u ma je jogon mal, u bēna jogon sōgo de

sigida lakodonnen s'ipwesha, kōnō minnu dantige desantaralizason hukumu kōnō, an k'anini ka sigida lakodonnen dōn.

(les collectivités territoriales) (1)

Kēnekayanfan fe : Alizeri jamana ni Moritani jamana.

Worodugyanfan fe (bayanfan) : Kōnwari jamana ni Lajine jamana.

Bayanfan ni kōnōce : Burikina Faso jamana.

Tilebiyanfanfe : Sénegal jamana.

Kōrnyanfan fe : Nizeri jamana.

Mali jōnjōn, n'o y'a darapo ye, a be se ka fo fana jamana ne sugandilenw, o ye ne saba ye : Juguiji, nērenmugu, bilennan. Mali darapo ye kōnō saba jolen ye.

Darapo be yelen, k'a siri forobacakēda bē sanfe : peresidan ka so, minisirisow, meriw n'u nogonnaw. Darapo ka kan ka bato sabula ale de ye jamana taāmasyen fōlō ye. Majigin be ke a ye jamalajew ni nēmajebaw senfe. Darapo ncinin bē sigi fanga tigilamogō minnu ka mōbiliw kan, olu ye peresidan, maranemaaw ani Mali lasigidew jamana wēre kōnō.

Ni jamana be sangafola, darapo te bila fiye fe. A be siri a kala la.

Mali danbejkān ye : Fasojamā kelen-kuntienna kelen-ñaniya kelen. A be jamana miiriya jira.

Jamana fasa, dōw b'a fo jamana janjon, o ye jamana kanudōn kili ye. A forobatōgō ye : «Mali man'a kanbo».

An ka jamana fasa be cēfariya ni fasokanu majamu, nk'a be Afiriki kelenyalī fana kōfō. Mahamat Kōnta

dun wa?

Hadamaden sigilen don hine minen de kōnō, minen min da man kan ka jegen sango a kōnofen ka bōn.

Hine man kan ka ke fo aw kā nogō dōn, fo aw ka deli nogōn na. Hadamaden māgo be nogōn na tuma bēs, hali kasōrō u te nogōn dōn, kasōrō u ma dell' nogōn ha. O waati hine de ka bon ni dell' kōnōna hine ye. Wale fen o fen de be ke o waati kōnō, o wale ka sani bawo a te ke ni nata ye. O ye numanya saniman ye, a nafāna, a barikama, dusukun jaati hine y'i bila min keli.

Ama kan, tile ka bō ka bin kasōrō hadamaden ma kēnē sōrō, a be se k'a ka hine jira kēnē min kan.

Hadamaden ka kan ka hine kēnē kanu, k'u nini, k'a yere bila u kan, ka hine walew tiime. Ka tile b'a bin, e ma mōgō sōrō i be hine min na, i ma nimafen si sōrō, i ko bagan walima falenfenw, ka fen ke u ye, te min b'u lahine, i ka kan k'i yere nininka n'i dusukun mā yelēma k'a ke fara ye.

Karamogo Daramani Tarawele  
Ladamuni II (Hinejmgona) kalan diya

## Sōrōdasi kasike bulamantigi 2 torapankurunkasaara la Gwo

Jamana yēremahōryalen ka tonba ONU (ONU) ye sōrōdasi minnu bila ka na. Mali dēme a be fo olu ma kasike bulamantigiw walima MINUSMA (MINUSMA). Olu ka pankurun min be wele helikoputeri, o dō binna taratadon, marisikalo tile 17, san 2015, a jingintola. Kasaara in kera yorō min na, o ni gawo ce ye kilomētre 42 ye. Sōrōdasi 2 tun b'a kōnō, olu bēs ye Neyerilandikaw (Nansarajamana).

Mali goferenaman ye batāki ci Neyeriland jamana goferenaman ma, ani MINUSIMA nōmogōw, ka dugawu ke ka nēci banbaatow ma, ka foli ni tanuni ni walenumandon lase, ka fara o kan. A y'a jira ko Mali bēna sēgesegeliw ke, walasa a ka don fen min kera kasaara in sababu ye.



# Dijne musow togoladon seli lañenamayara Mali musow fe

An ka ja mana ye dijne musow togoladon seli ke, karidon marisikalo tile 8, san 2015.

Jamana nagamini n'a ta bee, k'a sababu ke kojugubakelaw. ka mogfagaw ye Bamako, jama bora kosebe ka seli in ke ni wasa ye.

Seko ni dønko soba fara jama na. Nenajeba in nemogoya tun be jamana nemogo bolo Iburahimu Bubakari Keyita, an'a furumuso. Minisirinemo Modibo Keyita ani goferenaman minisiriw, ka fara fangabulonw nemogow kan, lasigidenw, dijne tonbawbolofaraw, nemogo minnub'an ka jamana kono, olu bee farala Mali muosw kanka donba in lañenamaya.

Mali musow ka tonba, n'o ye k'afye, o nemogoba, madamu Tarawele Umu Ture folo ye kuma ta. A, y'a jira k'ale ka kuma ye jamana r'usow ka bataki ye ka nesin jamar, la nemogow ma, kereneren, ianya la jamana kuntigi. Geleya minnu be musowka ga kono, cake dawla, suguw

## Mali musow, ka cikan lafiya ni ben sabatili la jamana kono

**Mali ce ni muso,**

Siyaw ni dañkew caya an ka jamana kono, o kan'an fara-fara. Ben ni lafiya sabatilan rna teme o kan. An ka don nogn jigi koro balimaya ni sinjiya la, an dusukun jelen.

**Mali musow,**

An ka wuli k'an jo, nognjuguya ni kelew dabilali kama sigidalamogow ni nogn ce, duguw, kabilaw an'i kinw kono. An k'an cesiri, sigi ka 'ke ber, nilafiya kono, walasa dijne latige sko numan ni yiriwali kuntaal a jar, ka sabati.

**Fasoden ce ni muso,**

Ben sabatili y'an bee kur ikcye : Ce ni muso, denmis en ni mraakoro. An kelen-kelen ka cesiriw al asa an lamini na, bee ka to i danbe la, dusukunw ni hakiliw ka nogn mi ne, jamana ka kelenya sabatili karr, ia.

**Maliden ceman ni r'nusoman,**

Jamana sinje sigi sabatili n'a sabatibaliya be bo an bee de la. O tuma, ben sinsi nni anni nognonce, don o don, an'a n'ka ko bee lajelen na, o doren de b'a to ni jamana be yiriwa ka ke an sargo ye: jamana min kono, balimaya be to a no na, sinankunya ni hadama denyasiraw jelen be to, maramafenw be bila, fara nognkan be sinsin, geleyaw be wuli.

**Mali denw, ce ni muso,**

Jenogonyako numan miny'ankal a nini ye, o de ye dijne latige kono numan yere sinsinbereye, kanu, nognbonya, ben ni lafiya kono. Ala ka ben ni lafiya sabati an dusukun, an hakili n'an ka walew la, don bee.

kono, forow kono, kalanko la ani faantanya kelleli, a cja sera o bee ma. Fisamanciya taleen be ka musow seger, a y'a jira k'o te ko benta ye biler, k'a nini hakekejne ka sabati sigida la ani jamana kono cew ni musow ce.

Jamana y'er, emahoronyalenka tonba ka ciden mi, ka baaraw nesinnen be musow k'a kono, nesinaboli ma Mali kono ya, Makismu Hiwinato, ye foli ni tanuni lase jamana kuntigi ma, ka da waley damado keli kan : Jamana kuntigi ye muso fila sigi sariyasunba labatolibulon kono, ka segin k'a nemogoya di muso do ma, min donnem be kosebe sariyako siratige la aw ka jamana kono n'o ye Manasa ye.

O bolen ko yen, sariyaw dow ta, ra goferenaman fe ka nesin muso, den anidulakanani ma, desantarali, son hukumu kono, Makismu Hiwi, ne, to y'a nini depitew fe u ka dijne n'o sariya ye, k'a wote ka da a nafa, kan jamana kono.

Muso, den ani du, sabatili minisiri soro ka kuma ta, Umu Br, k'a jira ko musow ka kono, be ke, taa ne Mali kono. Feere or aman ti gera Mali kono minnub'ali, ke Bezir, igi benkansében na ka nesin muso, yiriwali ma dijne

kono. Mali'y'a sekokeola, ka da, kan jamana mogo tilance, n'o ye musow ye 50,8% olu te se kxa bolokfemorgow ye ani kerfemorgow fasoko la. C'koson, a ka minisiriw wulikajoc aman kewalasa, siriso ye porogar amuwka sigisiriso porozew ni kono, musow togo la, enkanjamana fara d'ugubakonom, wulakonomusso.

Kur matigi laban, kera jamanakuntigi ye. A ka kumav, kono, a ye foli, tanuni barikade, ke ka nesin Mali muso be, ma, an' palimamusow, an'anbaw, an'an denmusow, u ka don o don cesiri, ka du ladon, ka dudenw bale, K'Uberbere. Ay'a jira musowla, fineboda fen o fen be ke, u ye, oyoroba fen o fen be di u ma, o si te soro n'u ka cesiri te an'u ka wulikajow. U kana segen, u kana ninen, o baaraw la, bawo sini y'u ta ye.

Ninan, musow ka seli kera hakillila min kono o ye «senyerekoro sabatili musow ye, o ye senyerekoro sabatili ye mogoya kono». Mali y'o hakillila in walawalank'a ben Mali musow lanini ma, k'a jira ko «Mali muso be ka soro ka yiriwa, ka se u yere koro, ka Mali lakanan to an'a ka netaa sabatilen, o ye jamana nemogow lanini ye».

Mariyamu A. Tarawele  
Mahamadu Konta

## Mugu perenna du do kono Gawok'acibogobogo

Gawo, dugu kono, mugu jugu wulila ba, lawu du do kono, k'a ci bogobogo. Mogogo filo tun b'a kono, a y'olu faga k'u farikolo jense.

Goferenaman ka kumalasela ka foli, n'o ye Kunnafoniko minisiri ye, Sogeli Kokala Mayiga, muguperen in kera ntendend marisikalo tile 23, san 2015, nege kanje 15 ni tila waatila. A kera du min kono, o tun ye mori do ta ye min togo ye Isaka Alifari. O fatura bi. Goferenaman ka kumalasela y'a jira ko segesegelikew law b'u ka baara la, k'a nini k'a don mum kera muguperen in sababu ye, ani mogo minnu tora a la, olu ye jow ye, u tun be ka mun ke, u naniya tun ye mun ye?

Madiba Keyita  
Mamahadu Konta

## A' ye Kibaru san k'a kalan

## Farikolonjenaje kibaruya wærew

- **Jaarela ce 11 ye woyo folo yelen :** Si jiridon, feburuyekalo tile 27 san 2015, Jaarela ce 11 ni Maroku ntolatanton ye nogn soro Bamako yankupukafukomasegin na, Modibo Keyita togolafarikolonenaje keyoro la. Ntolatan in labanna 1 ni 0 la, Jaarelakaw kanu na. Ntolatan kun folo min kera maroku, o labanna 2 ni 1na. O b'a jira ko Jaarelakaw be temek'a sababu ke uka kuru 1 donnem ye kukan.

- **Sitadi Maliyen fana taara ne :** O ntolatan kera Nizeri jamana faaba la, n'o ye Jaame ye. Tanko folo la Mali kono yan, Sitadi Maliyen ni Nizeri duwajew ka ntolatanton desere nogn na 0 ni 0. Komasegin min kera Nizeri o fana labanna filaninbin na 1 ni 1. Kuru 1 mindonna kukan, o kera Sitadi Maliyen boda ye. Nka Sobe binna. Ale ye Maroku ntolatanton gosi Mali kono yan 2 ni 0. Komasegin na 3 ni 0 kera ale la.

- **Mali ye Senegali gosi basiketi la :** Mali yelemana senegali kono basiketi la, n'o ye bololantola ye. O kera sibiridion feburuyekalo tile 27 san 2015, Dakaro Senegali faaba la. Nognsoro folo min kera Bamako yan, o labanna 65 ni 43 la Mali kanu na. Komasegin na, Mali y'ugosi tugun 50 ni 47. Ob'a jira ko Afiriki jamanaw ka

nognkunbenba min bena ke Tunizi basiketi la, Mali bena ye o kene kan. Farikolonenaje nognkunbenba min bena ke Barazawili, Mali be ye o fana, kene kan basiketi la.

- **Zinoriw ka kani kera Senegali :** Mali Zinoriw b'okene kan. Jamana 8 minnu ye kupu in tan olu tilala kulu fila ye : **Kulu A:** Senegali, Nizeriya, K'onowari, Kongo.

**Kulu B ye :** Gana, Afirikidisi, Zanbi, Mali.

- **Mali Zinoriw binna tuguni demifinali la**

Samatasäge mankanw, n'oye zinoriw ye, olu ni Senegali Zinoriw ye nogn soro alamisadon, marisikalo tile 19, san 2015 Afiriki zinori ka Kani kene kan, min tanna Senegali jamana kan. Fajeri Jara ka cedenw, k'a ta ntolatan damine na fo ka se a laban ma, tunbe Senegalikaw kan, nka u ka sengoya barika bonyara Senegali ka joda la fo k'a damateme.

Kabini Zinori ka kani daminena, ninan y'a san 20 ye, Mali ma se ka teme demifinali kan. Mali taa o taa a kene kan, a be dan demifinali la.

Ntolatan in labanna filà ni kelen na Senegali kanu na.

Ka ntola to 1ni 1 na, Mali ye bi 2 nan don sanga 80nan na Hamidu Tarawele fe, nka jalatigebaga m'o

kobsi. Hali Senegali ka bi folo, o fana donna namara la bawo bidonbagi in tun be bee kofe, orize la.

Maliye joyoro 3nan ntolatank'e karidon marisikalo tile 22 san 2015 Gana fe. O labanna 3 ni 1 na Gana kanu na. A mana ke cogo o cogo, a ko nisondiyayoro kera min ye, o ye k'a fo Mali Zinoriw b'ena taa dijne Zinoriw ka kupudimoni kene kan min bena ke. Jamana minnu be taa Afiriki joyoro fa Zinoriw ka kupudimoni kene kan olu ye Nizeriya, Senegali, Gana ani Mali.

Mahamadu Konta

«AMAP» kuntigi  
Usumani Mayiga  
Kanw Kunnafoniseben  
baarada kuntigi  
Nanze Samake

BP : 24 - Telefoni : 20-21-21-04  
Kibaru Bugufiye Bosolia  
Bamako - Mali  
Sebennijskulu  
Mahamadu Konta,  
Dokala Yusufu Jara  
Labugunyoro : AMAPU gafedilan  
baarada

# Samatasègè fitininx «kadew» ye Kani 2015 kupu ta ni Wasa ye



Kadew ka kupu diyoro Samatasègew ma

Mali Samatasègè fitininx n'o ye «Kadew» ye, olu ye san 2015 kani kuputa karon, marisikalotile 1 Nizeri jamana kan. U ni jamana min ye nogon soro finali la o kera Afirikidisi ye. Ntolatan labana 2 ni 0 la Malikanuna. Mali ka kurun 1 donna sanga 67nan

na Siyaka Bagayogo fe. Kuru filanan donna sanga 79nan na Ali Male fe. K'a ta Kani in damine na, fo ka taa se a laban ma, Bayi Ba ka cedenw ye min jira an na, o kera kologoley, feere, cesiri ani hakilisigi ye, ka fasokanu fara o kan.

Ka ntolatan in da mine fo k'a kuncé mogo ma se u la. U ni Kameruni ye nogon soro, o kera 3 ni 1 ye. U ni Afirikidisi ka nogon soro folo kera filanbin ye 2 ni 2. O kofe, u ye Konowari gosi 1 ni 0. Ka lajine gosi 2 ni 1, ka laban k'a Afirikidisi gosi tugun finali la 2 ni 0. Kupu talen ko, Mali ye jala werew soro : Jamana min ka bi donta cayara, o kera Mali ye ni kuru tan (10) ye. Jamana min ka ntolansen kera wasa ye, n'a nena ni bec ta ye, o fana kera Mali ye. U ni kupu selen faço kono yan, jama bora k'u kubon kosebe, k'u bisimila Modibo Keyita tøgølafarikoloñenajekoyoro la, ni foli ni døn ni dønkiliw ye. O kofe, jamanakuntigi Iburahimu Bubakari Keyita y'u fana jamanakuntigiso la n'o ye «Pale» ye. Foliw ni tanuniw bannen ko, jamanakuntigi y'u kelen-kelen jansa, u ka degelikaramogow fana jansara an'u lakanabagaw ni dakabanoso kura 1 ye n'o ye. «Wila» ye ani Oridinateri 1. O kofe, Oranzi Mali min jolen be farikilonenajelaw kokorø Mali kono, o fana ye ntolatanna ninnu kelen-kelen jansa ni ladiyafen

caman ye. Jamanakuntgi y'a jira k'uyé nisondiya mindon jamanadenkelen-kelendusu la, o sara te mogo bolo.

Samatasègè «kadew» mogo 21 minnu taara Mali joyoro fa Nizeri kani 2015 kene kan, olu ye :

Jokolosilaw : Samiyeli Jara (ASKO), Dirisa Kuyate (Ereyali), Alu Tarawele (Joliba).

Kofela lakanabagaw : Abuduli Karimu Dante, o ye kapite ye (J. A), Mamadu Fofana (Sita di Maliyen), Seki Keyita (Kayi); Yakuba Fomba (Joliba), Siyaka Bagayogo (Joliba), Daramani Sénpara (Dugu7), Isimayeli Tarawere (CSK), Usmanu Tarawele (ASTule) Cemancéntolatannaw : Musa Jakite (ASKO), Mamadu Sangare (COB), Seku Koyita (Kita); Mohamed Hayidara (Joliba).

Nefentolatannaw : Sidiki Mayiga (Ereyali), Ali Male (Dolo finw), Bubakari Tarawele (J.A.) Amara Bagayogo (Joliba), Burama Jalo (ASKO), Sori I Keyita (Santiri Mamadu Konate). Degelikaramog : Bayi Ba.

Mohamadu Konta

## Nizeriya ye Afiriki Zinoriwka Kanita siñe 7

Afiriki ntolatanna minnu si te teme san 20 kan, olu ka Kani kuncera Senegali faaba kono, Dakaro, ni Nizeriya ka se ye Senegali kan 1 ni 0.

Nizeriya ka bi 1 kelen donna sanga 19 nan na Bulubuwa fe. Nin y'a siñe 7 ye Nizeriya denmisew ka kupu in ta.

Ntalataw minnu senfe, Manu Gariba, u ka degelikaramog, n'a ka cedenw ye Senegali gosi 3 ni 1 ; ka Kongo gosi 4 ni 1; uni Konowari takera filanbin ye 2 ni 2 ; ka Gana gosi 2 ni 0; ka tila ka Senegali bugo finali la 1 ni 0

Senegalidenmisew ka bijeta cayara, n'o te u y'u jeniyorofin fo ka se a dan na.

Nizeriya tunb'a dønko kene kan, bawo finali tanna u fe siñe 9 Zinoriwka Kani na, wa u y'a ta siñe 7 fana : San 1983, 1985, 1987, 1989, 2005, 2011, 2015.

## Alen Ziresi seginna Samatasègew ka degelikaramogoya la

Alen Ziresi seginna samatasègew ka degelikaramogoya la Hanri Kasiperizaki no na. Nin y'a siñe filan ye faransiaka in ka ke degelikaramog ye Mali la.

A siñe folo la, a ye samatasègew lase joyoro 3nan na san 2012 kani na. A y'a bolonc bila benkanseben na alamisadon, marisikalo tile 19, san 2015. A ka baaraw be damine awirilikalo tile 1, san 2015, ka se san 2017 nowanburukalo ma.

Baara min dira a ma Mali ntolatanko nemogow fe, o ye ka Mali lase Kani 2017 kene kan ani ka Mali lase Kupudimoni kene kan san 2018.

Mali ntolatanko Federason peresidan dankan folo, Bubakari Sidibe «kolon», o ma son k'a ka sara hake fo, nk'a y'a jira ko Ziresi ye min nonabila, o tun be safa,

sefawari miliyon 16 kalo o kalo, Ziresi ta t'o bo.

Ziresi tara, ka da a kan, a be Mali ntolatan døn, a be ntolatannaw døn, a be ntolatan nemogow døn. A ye ntolatan ke Faransi fe ka kupudimoni ta, ka tila ka ke degelikaramog ye. O b'a jira k'a fo a faamuyalen don. O kofe ntolatannaw yere de y'a jini a ka ke u ka degelikaramog ye. O b'a jira k'a fo a ni ntolatannaw bennan don.

Sanni a k'a ka baaraw damine, samatasègew kalifara degelikaramog fila la, Mohamed Magasuba ani Amadu Pate Jalo. Mali bëna teriyantolatan fila minnu ke Gana ni Gabon fe, olu b'o kóneñabø.

Solomani Bobo Tunkara  
Mahamadu Konta



## SAN 2015 MARISIKALO KIBARU KENORE

- ne 2 : Koronfekle banni benkanseben bolonobilala
- ne 3 : Madamu Manasa Dañoko kera jamana sariyasumba lafasalibulon nemogoye
- ne 4 : Batakiw

- ne 5 : Kalankene n° 151nan : Kobilaw be døn kòlosiliko numan fe Dukene n° 125nan : An k'anini ka sigida lakodonnen døn
- ne 6 : Ñafunke, Birkannikelaw ye Kasumu ni ñodugu lamaga
- ne 7 : Dijne musow tøgøladon seli lajenamayara Mali musow fe